

श्री गुरवे नमः

पोश-फोल



अर्पण



स्वामी जिरास




श्री गुरवे नमः

पोश-फोट



प्रकाशक तथा संग्रहीत कर्ता :

एक भक्तजन



I worship that pure Sadguru whose nature is awareness by whose spiritual power the universe shines as the path of Shiva-for the devotees.

Abhinava Gupta

studies of Kashmir Shaiva Philosophy and other philosophies.

- d) To set up scholarships to enable deserving persons without the distinction of caste, creed, religion, sex, for research in the Shaiva Philosophy of Kashmir and lectures and discourses of His Holiness Swamiji with a view to ensure advancement of the content of Shaiva Philosophy of Kashmir and the advancement of the frontiers of knowledge.
- e) to educate people with respect to the non-secretarian character of the Philosophy and discipline of Shaiva Philosophy of Kashmir, by preaching, publishing, advertising and propagating in every possible manner, the virtues of harmony, mutual goodwill, peace, tranquillity and austerity in all human beings without distinction of religion, caste, creed, colour and sex.
- f) To organise lectures, courses, periodical meetings, havans, yajnas, pujas, satsangs in accordance with the periodicity and practices in vogue in Ishwar Ashram during the life time of Swamiji at such Ashram and other places as may be thought for the fulfillment of the objectives of the Society/Foundation.
- g) To acquire, purchase, publish, print, buy and sell books and publications on Shaiva Philosophy.
- h) To make, purchase, issue and sell audio and video cassettes of the lectures and discourses of Swamiji Lakshman Joo Raina with a view to glean therefrom the thought and philosophy of Shaivism.
- i) To hold, acquire, otherwise come into possession of property both moveable and immovable and to use the earnings from such properties for attainment of the objects of the Society.

भाव — पोश

काश्मीर मण्डलुक धर्म अवतार
 ईश्वर स्वरूपस छु जय जय कार।
 श्री गुरु दीवस छु सोन नमस्कार
 स्वामी जियस जय जय कार॥
 अरनि माल काचा आसय भाग्यवान
 यस निश जन्मस आव भगवान।
 वह्यक गटपच्छ बाश जाव अवतार
 स्वामी जियस जय जय कार॥
 राम जुवन कूत बोरनय चाव
 लक्ष्मण जी यलि जन्मस आव।
 लक्ष्मण छु शेषनाग राम अवतार
 स्वामी जियस जय जय कार॥
 बन्धव व बान्धवव क्याह बोर चाव
 पान भगवान यलि जन्मस आव।
 नारान जुवन छु रूत संतान
 स्वामी जियस जय जय कार॥
 महताब काकुन प्रधान शिष्य
 लक्ष्मण जी पान विध्यमान छुय।
 गुप्त गंगायि प्यठ बिहिय सरकार
 स्वामी जियस जय जय कार॥
 लक्ष्मण जी छुय ऐश्वर्य पूर,
 काम, क्रोध, लोभ, मोह निश छुय दूर,
 ईश्वर स्वरूप पान शिव अवतार
 स्वामी जियस जय जय कार॥

अनन्त शास्त्रन हुन्द भाषण

श्री मुख सत्य छुय पान करान।

गालान, काम, क्रोध, ब्ययि अंहकार

स्वामी जियस जय जय कार॥

शिव रूप आसिथ छुय जगत रूप

आत्म रूप असिथ छुय पर स्वरूप।

अथ नित्य स्वरूपस छु सोन नमस्कार

स्वामी जियस जय जय कार॥

भक्त जनन हुन्द परम अवतार

पापन त शापन करान संहार।

मनुष्य रूपस मंज छु शिव अवतार

स्वामी जियस जय जय कार॥

परमानन्द पानय ईश्वर स्वरूप

एक रूप असिथ छुय बहु रूप।

कलियुगस मंज दिवान भक्तयन तार

स्वामी जियस जय जय कार॥

श्री गुरु दीवन्य दया दृष्टि सीत्य

जन्म जन्मन हन्दि पाप गल्य कीत्य।

म्यूल वोन्य इत गच्छ निश मोकजार

स्वामी जियस जय जय कार॥

श्री गुरु दीव कर म्य पानय उद्धार

जन्म जन्मन हज छसया लाचार।

यमि भव सर मज पान दिम तार

स्वामी जियस जय जय कार॥

गुरु दीव हावान छुय रच वथ,

उपदेश तमि सुन्द छय सत कथ,

भक्त जनन हुन्द परम अवतार

स्वामी जियस जय जय कार॥

मोह अंधकारस कर संहार

स्वामी जियस जय जय कार॥

श्री शारिका देवी हृन्द गुरु राज

शासन करान छुय पान महाराज ।

प्रभा देवी छस शिष्य शुभिदार

स्वामी जियस जय जय कार॥

हे गुरु वोन्य छसय आमच शरण

बरतल पेमच छस बय परन।

शरणागत वोन्य छसय बार बार

स्वामी जियस जय जय कार॥

हे गुरु हावतम वोन्य रच वथ

यच काल प्यठ छस करान अत गथ।

मोक्कलाव वोन्‍य म्यान्‍य जन्‍म संस्‍कार

स्वामी जियस जय जय कार॥

श्री गुरु देव वोन्य बोज जल जल

यच कालच म्य छम गांगल ।

परमानन्द करत आत्मो द्वार

स्वामी जियस जय जय कार॥

छुस गुरु दीवस ब स्तुति करान

भव सागर छुस अपोर तरान।

म्यानि नावि दित वोन्य जल जल तार

स्वामी जियस जय जय कार ॥

गुर दीव म्यानि स्तुति कन दार ।

यच काल वोत्तुम करान इन्तिजार

मेति दि १० श्रवण १९००. Shri Ashram Trust. Digitized by eGangotri

स्वामी जियस जय जय कार॥

कश्मीर मण्डलुक धर्म अवतार

ईश्वर स्वरूपस छु जय जय कार।

श्री गुरु दीवस छु सोन नमस्कार

स्वामी जीयस जय जय कार॥

स्तुति-1

गुरु दीवअ लगयो में छि चअनि लादन

पाँदन वन्दयो मन तय प्राण।

चई मयोन मोल मअज चई तरन तारन

पादन वन्दयो मन तय प्राण॥

कर स्वीकार मयअनि भाविकय पम्पोश

फोलनस आयि यिम चोनुय छु जोश।

होश दिथ मे पननुय युथ नो रावन

पादन वन्दयो मन तय प्राण॥

सतगुरुअ आसवुन त्रिभुवन सारीय

चई मोल मअज मयोन जअनि कारीय।

करतम वादअ पूरअ कन थव मे नादन

पादन वन्दयो मन तय प्राण॥

गट्ट चई कासतम मत दौशरावतम

करतम लट-लट त इतअ गछ दूर।

पनने कृपायि सीतय चठ में क्रीडे जालन

पादन वन्दयो मन तय प्राण॥

प्योमुत पथर छुस वति प्येठ अंजान

करअ क्या चेय रोस वथ में हावतम।

ईतनय आर मयोन पिलअ कोत बु खातन

पादन वन्दयो मन तय प्राण॥

पुशरोवमुत छुम पान चान्येन चरनण

कासतम कालहान दिथ पननय जान।

दूरं मतअ त्रावतम वोनि कुनि सातन

पादन वन्दयो मन तय प्राण॥

विद्यागण छुख ज्ञानुक भंडार

निरअक्षर छुस बु दिम पनुन प्रसाद।

सूतय-सूतय रोजतम विजि-विजि सातन

पादन वन्दयो मन तय प्राण॥

नाव चोन वनअ क्या लछिनोव चई, छुख,

शुरि तु बच्च छी वनान बब राज चेई।

“पोशि मोत” मनि मन्ज गुरूअ वाकय पालन

पादन वन्दयो मन तय प्राण॥

स्तुति-2

टाठि सतगुरूअ में छम चअनि कलो

दोन पादन लगय पअरि पअरी।

सर त्रावय बु चानि बरअ तलो

दोन पादन लगय पअरि पअरी॥

लोलु बागिक्य पोश सोमबरअविम

वेरि चाने इकवट थअविम।

शेरि लागय हीत मसवलो

दोन पादन लगय पअरि पअरी॥

रोपअ बदनस चन्दुन मलय

अशि वान्ये पाद चअनि छलय।

चेर मो लाग यितम जल जलो

दोन पादन लगय पअरि पअरी॥

खास कुठिसीय मैज बु थावथ

रंग रंगय भूजन ख्यावथ।

यिनअ चलहम करहम छलो

दोन पादन लगय पअरि पअरी॥

म्यूठ क्याह छुम चोनुय गुफतार

तेज क्याह छुम चोनुय रफतार।

करतम अनुग्रह वादअ मा डलो

दोन पादन लगय पअरि पअरी॥

क्याह चे रोटुथ मयोनुय कीनय

बुछ मुचरिथ मयोनुय सीनय।

छुम नु हरगिज यथ दिलस मलो

दोन पादन लगय पअरि पअरी॥

मन नावथ लोलि ललनावथ

मैज जिगरस खटिथ थावथ।

पूज करहय चय निरमलो

दोन पादन लगय पअरि पअरी॥

कूत कालाह रोजअ फेरअनी

करनावतम मे पअरि जअनी।

पादि कमल बु रात दिन छलो

दोन पादन लगय पअरि पअरी॥

छुख जानान सोख्य म्योन हाल

छुनअ वअजिब रटुन मलाल।

पोशि थरि प्येठ बिहित बुलबुलो

दोन पादन लगय पअरि पअरी॥

मे छिम गछान गरि-गरि ब्रँअती

मुख मे हावतम बनिहेम शान्ति।

नोन त्रावतम ज्ञानु बुजमलो

दोन पादन लगय पअरि पअरी॥

चानि बापथ चअरिम कौसम

छुस प्रारान अछि मे लौसम।

जाय थअवमय मे मनि मैजलो

दोन पादन लगय पअरि पअरी॥

टाठि सतगुरु मे छम चअनि कलो,

दौन पादन लगय पअरि पअरी॥

स्तुति-3

मअति छि आसान कृतिया तति ये लो

टाठि सतगुरअ रोजतो येतिये लो।

क्याजि रोजान छुख च खटि-खटिये लो

टाठि सतगुरअ रोजतो येतिये लो॥

बअलि छि आसान केचन चअलिये लो

वधू पानो यिनअ गछख खअलिये लो।

तति ना छारान जद तय छोटुये लो

टाठि सतगुरअ रोजतो येतिये लो॥

मरनअ ब्रोंठुय केह छि मअरि मतिये लो

परनअ ब्रोंठुय केह छि पअरि मतिये लो।

तिमन आसान तअसीर प्रोनये लो

टाठि सतगुरअ रोजतो येतिये लो॥

पोज में बासान कूताह टयठये लो

अमि पजरन कोरनमो सोतुये लो।

तति ना रोजान केह ति खटि-खटिये लो

टाठि सतगुरअ रोजतो येतिये लो॥

मद तअ अहंकार आम वोथि-वोथिये लो

नाल वोल्नम तमि चोवापअरिये लो।

तति नो वुछान क्याह छुस नअलिये लो

टाठि सतगुरअ रोजतो येतिये लो॥

यि हा संसार कोताह सुनुये लो

मन हा आसान कोताह तोनुये लो।

छुम तमन्नाह करहय सरिये लो

टाठि सतगुरअ रोजतो येतिये लो॥

शुहुल नार गोम शानव पेठिये लो

बाजु छा वनान कोत गयख चरिये लो।

माजु पनुनुय खयेवान तअलि-तलिये लो

टाठि सतगुरअ रोजतो येतिये लो॥

स्तुति-4

लालो लालअ म्योन कोताह जान

रम्भवुन मेलवुन तअ शुभायिमान।

नालअ मति रटहअन छुमय अरमान

लालो लालअ म्योन कोताह जान॥

चेशमअ छस मस खअसि भुम जन कमान

मोख छुस प्रजलवुन तीजायिमान।

गटि मंजु जन छुम सिंयि प्रजलान

लालो लालअ म्योन कोताह जान॥

वुठ छिस रच फोलि दन्द मोख्तहार

डेकअ टिकअ प्रजलवुन पान ॐकार।

हालि दिल बावहअस छुना बोजान

लालो लालअ म्योन कोताह जान॥

तनि किन्य दोद तय मनअकिन्य थअज्य

बावअ किन्य अटल तय ज़न छु कनय।

धरि छुस बुलबुल क्याह छु बोलान

लालो लालअ म्योन कोताह जान॥

वरदन स्योद तय कोताह साफ

तनि प्येठ बासान ज़न छुस अतलास ।

बिहित जन पानअ कृष्ण भगवान

लालो लालअ म्योन कोताह जान ॥

लालो लालअ फोल ललनावहअन

जिगरस मँज बाग चूरि थावहअन ।

थावन खटिथ जन छुस बु अंजान

लालो लालअ म्योन कोताह जान ॥

मुर छुम येति तय मन कतिताम

साकियाँ बनतो चयेतो "सौदाम," ।

इनअबा सीरस ति गछयेम अपमान

लालो लालअ म्योन कोताह जान ॥

स्तुति-5

लगयो सतगोरअ चानेन चरणन

करसा केहँ दान वेशिनारपन ।

वीलज़ार छुस करान सुलि प्रभातन

करसा केहँ दान वेशिनारपन ॥

राह छुम पानस कस छु तकसीर

ललवान बदनस मँज छुस सीर ।

बोज़तम वारअ पअठि थावतम कन

करसा केहँ दान वेशिनारपन ॥

करनय त सोरनय क्या करअ बअ ग्राव

सौनतय हरदुन वाव हो मे आव ।

होछि मचि लावि मूरि फोलि मे बामन ।

करसा केहँ दान वेशिनारपन ॥

छरि चन्दअ द्रासय सअर बाजार

अनि गटि वति मँज किथअ लबअ तार ।

हम तय नम रोस नाव छुम चलान

CC-0. Ishwar Ashram Trust. Digitized by eGagotri

करसा केहँ दान वेशिनारपन ॥

चलिहेम जूनि ग्रुह बेयि हअनी

करतम करमस मे नजरि सअनी।

नजरे अनायत येलि छुख थावन

करसा केह दान वेशिनारपन॥

कोपुत्र तअ सोपुत्र सअरी छि जान

दोरान तअ लारान तिम छि मान मअनि।

केह छि मंदछन केह छि नचन

करसा केह दान वेशिनारपन॥

आसय बरस तल मुर दअरिथ

इन्द्रियन वश कोरुम मुह जअलिथ।

शुद्ध वासनायि युथ मे रोजि मन

करसा केह दान वेशिनारपन॥

चन्दअ छोन तय न्येथनोन छुस बु केशान

करअ क्या छरि अथअ छुस बअ मंदछान।

अथअ रोट करतम सातअ सातन

करसा केह दान वेशिनारपन॥

शर छुम अन्दरी रोजअ छारन

गोरअ भावनायि ध्यान धारण।

“अवतार” यचकअलि तअथि छु गारन

करसा केह दान वेशिनारपन॥

स्तुति-6

अठम चौदश या मअज नवम-दर्शुन दितम दर्शुन दितम।

दूरेर मे चोन छुम बोड सितम-दर्शुन दितम दर्शुन दितम॥

बअरि-2 मे खीर खंड थाल ख्यतम-दर्शुन दितम दर्शुन दितम॥

चई राजिन्या चई शारिका-ज्वाला मुखी चई अंबिका।

तोशतम पनन्य भक्ति दितम-दर्शुन दितम दर्शुन दितम॥
 त्रेयगुण छख त्रेय रूप चई-त्रेनवन्य अन्दर छख सार चई।
 ब्रह्मा विष्णु महेश हयेथ यितम-दर्शुन दितम दर्शुन दितम॥
 वनअ क्या बअ मअजअय क्याह वनय-मंगअ क्याह बअ मअजअय क्याह मंगय
 सयेजराह, तअ बेयि पजराह दितम-दर्शुन दितम दर्शुन दितम॥
 प्रातः चअ हमसस प्येठ बिहित-मध्यांह चअ गडवाहन बनिय।
 सायं चअ ब्रेशिवस प्येठ यितम-दर्शुन दितम दर्शुन दितम॥
 “पोशि मौत” छु माता दास चोन-लुकभवनस मैज छु वास चोन।
 पूजअरि छुसय अनवअरि दितम-दर्शुन दितम दर्शुन दितम॥

स्तुति-7

अछि दर लजेम बरस तल-आलव चअ बोजतय मअजअय।
 मुचराव तअरि मे बरनयेन-अवतार दारि मअजअय॥
 छख च अखण्डचराचर-सथ चयेथ सखा परापर।
 गोनमाथ गयेवान छि दोह रात-चअनी तरानअ, मअजअय॥
 अदीन चे छिय गंडिय गुलि-दस्त-बस्त सिरि चन्द्रम।
 गटि नाश गछान छु भक्तयेन-सत के प्रकाश मअजअय॥
 चई छख दोखन तु दादेन-दरदिल वुछान च भक्तयेन।
 कोताह में आव बनि-बनि-किथ छख ज़रान च मअजअय॥
 यस नम रटख च नावे-पर्मय गती सु प्रावे।
 छख यीरअ गअमित्येन चई तारान हय पानअ मअजअय॥
 चयेथ गुर दवान मे हरदम-वेशियन त भूगनीय पथ।
 दोगनुय मे वोन्थ चु ओगनाव-वर दिथ हय पानअ मअजअय॥
 खोटि कर्म रूप कृमनीय-भवसर बन्द कोरनस।
 रखतम तअ वारअ रखतम-दुरदानअ पानअ मअजअय॥
 छख पर्म प्रकृति किन्थ-पूरन करान च कारन।
 व्यवहार चअन छु ज्ञानुक-अनवयि चअन मअजअय॥

साम्रथ छि कस त वनि कुस-अनि जयेव तअ वखनि गौन कुस ।
 कननीय मे कर त शब्दा-वनवान छि पानअ मअजअय ।।
 वोव क्याह मे मअजि अजताम-लोनअ क्याह बु छुस परेशान ।
 त्रावतम च अज मे कर्मस-नजरा हय पानअ मअजअय ।।
 पअजाह ब गोमुतुय बंद-तृष्णायि मुह जालस ।
 त्रोगिनेय मे बेडि चटिथीय-मोकजार दितम मे मअजअय ।।
 “पोशि मोत” दिवान छु फयुर अज-मनि मैज यिमन खयालन ।
 तलय यित त बोजतअ पानय-शुरि दासतान मअजय ।।

स्तुति-४

अटवारि छम खसिथ खार-तार दिमि पानअ मअजय ।
 पिलि कोत म्योन गाटजार-तार दिमि पानअ मअजय ।।
 हयेसअ मअज व्येसरयोसय-हनि-हनि छिनदरेयोसय ।
 बेकस छु बुअ लाचार-तार दिमि पानअ मअजय ।।
 कोत गयि मे बअयि बन्द तु यार-कँअसि नय रओट म्योन बार ।
 छल गओर यि सोर संसार-तार दिमि पानअ मअजय ।।
 रूगी ब दर इजतिराब-बुछतय मे कोताह अजाब ।
 त्रावतम छोकन मे बुलगार-तार दिमि पानअ मअजय ।।
 वअतिमित छिम बअडि बअडि कार-चन्दअ छयोन छुस बु नादार ।
 अथुरोट मै, चोन दरकार-तार दिमि पानअ मअजय ।।
 वनअ क्या कोल छुस बई-करअ क्याह वनतम चई ।
 बोल बोश चोन शहंजार-तार दिमि पानअ मअजय ।।
 इतअ गछि मैज बु पयोमुत-भवसरअ यीरअ गोमुत ।
 अनुग्रह मे चोन उपकार ।। तार दिमि पानअ मअजय ।।
 दास छुसय डेडि चानि तल-करतम मुशिकिलन हल ।
 शेरस प्येठ चु सवार ।। तार दिमि पानअ मअजय ।।
 त्रावतम मे अख नजरा-कर्मस बनेम मे सयेजरा ।

बनतम मे साक्षात्कार-तार दिमि पानअ मअजय॥
 “पोशि मौत” छुस बु प्रारान-शीतल ह्यथ चे छारान।
 करतम मे नोन उपकार-तार दिमी पानअ मअजय॥

स्तुति-9

आस लारान चानि भेख्याये-त्रावि नज़रा कर्मलीखाये।
 स्यज हय नज़रा कर्मलीखाये-त्रावि नज़रा कर्मलीखाये॥
 दकअ जदअ हग मअज गरि द्रासय-डेडि चानि तल योर मअज आसय।
 सथ छम मे चअनि त्राति नज़रा आशार्ये-त्रावि नज़रा कर्मलीखाये॥
 कर्मफल मअज कूठ छुम प्योमुत-गुदिरयोमुत कोताह वुन्नायोमुत।
 क्रेंजलि पोनि गोम करतय मयोन उपाये-त्रावि नज़रा कर्मलीखाये॥
 बन्द गोमुत बु मैज मुँह जालस-अख मूढा छुस दरखाबस।
 वुजनावतम मे, मुँह निद्रार्ये-त्रावि नज़रा कर्मलीखाये॥
 सोन सोदराह छु कूठ मअज संसार-कँठनि भवसर किथु पअठि लवअ तार।
 तार तारुम मे पननि बारगाहे-त्रावि नज़रा कर्मलीखाये॥
 थावतम मे पाद मन्ज लोलअ हृदयस-पअरिमय प्रंग यथ लोलअ जिगरस।
 दिम मे अनवअरि पननि पूजाये-त्रावि नज़रा कर्मलीखाये॥
 शाँत निर्मल ब्राँत छम मे चअनी-शुभ दृष्टि हरन पाप सअरी।
 करतअ अनुग्रह कास आपदाये-त्रावि नज़रा कर्मलीखाये॥
 वैरागस पयेथ थयेर मे थावतम-मैज अनस जंग मअज कासतम।
 रोज़तम मे न्येथ ध्यान धारनाये-त्रावि नज़रा कर्मलीखाये॥
 “पोशि मौत” छुस बु डेडि तल प्रारान-आशायि चानि योर आस लारान।
 गोश थावतम मे छुम चोन साये-त्रावि नज़रा कर्मलीखाये॥
 त्रावि नज़रा कर्मलीखाये-जयज नज़रा कर्मलीखाये॥

स्तुति-10

मतय त्रावतम यूत दर खाबस

छुस बु प्रारान चअनिस जवाबस ।

चावतम मे मोय मैज मोयखानस

छुस बु प्रारान चअनिस जवाबस ॥

लायान छुस बु डेडि तल सदा

वननस मा छम तिछ हिश अदा ।

प्रारान छुस बु चअनिस हेछिनावनस

छुस बु प्रारान चअनिस जवाबस ॥

चति गछ मअज दिवान कंडोल

बुति नय छुस मअज पुतअ हेनअ वोल ।

चीरअ थफ छम करिथ चअनिस दामनस

छुस बु प्रारान चअनिस जवाबस ॥

लथ लायिम्य छुनय मअज चोनुय कोल

चई मयअनि दरदिल चई मयन्य मअज मोल ।

सर मे त्रोवमुत तल चअनिस पादस

छुस बु प्रारान चअनिस जवाबस ॥

सूचि-2 मअज सूर छुम गोमुत

व्यवहारन पथर छुस पोवमुत ।

कयाजि छखनअ सनान म्येनिस न्यायस

छुस बु प्रारान चअनिस जवाबस ॥

छम कअचा तुलनय वोनि सखती

मोकलावनच चई करतम योखती ।

अंजरान छख न्याय बिहित प्येठ थजरस ॥

छुस बु प्रारान चअनिस जवाबस ॥

चूरि कयाजि छख मअज चई थावान,

वलिहेम शूक यथ दिल जिगरस

छुस बु प्रारान चअनिस जवाबस॥

शायद छमनअ वननस मे अदा

तवय छुमनअ मअज नेरान मे मदा।

तोति छुस शरण बु चअनिस थानस

छुस बु प्रारान चअनिस जवाबस॥

छयनय फुरसत भ्यअनि न्याय अंजरावनस

तवय लोगमुत छुस बु मअज तावनस।

छुस बअ प्रारान चअनिस शुमरावनस

छुस बु प्रारान चअनिस जवाबस॥

यरर्य क्या छिम मे कअरिमतय खता

छखनअ बोजान अख ति मयअनि कथा।

छा रवा दकअ दयुन पिटअ दारस

छुस बु प्रारान चअनिस जवाबस॥

छय अगर मअज यी चअनि मर्जी

तोति बोजतय वय मयअनी अर्जी।

कर दान वोनि केह चीय “अवतारस”

छुस बु प्रारान चअनिस जवाबस॥

स्तुति-11

गयख कोत मे त्रअविथ बु कोता चे प्रारय

वदान छुस रिवान छुस दजान छुस बु नारय।

जरा अथ सनखना करख म्योन चारय,

वदान छुस रिवान छुस दजान छुस बु नारय॥

बु येनअ पयेठ चे निश मअज छेनअ छुस गोमुत

दकन तय डुलन बेयि वोमन बु लोग मुत।

दिवान छुस वतन वअनि बेकस बेचारय।

वदान छुस रिवान छुस दजान छुस बु नारय॥

मे रवअमच न्येन्दर नेह अन्दरीसन दे गोमुत
 गछान छायि गित्य छिम मे कर्मस वुनयोमुत ।
 बु बेवस स्येठा छुस बु गोस आवारय
 वदान छुस रिवान छुस दजान छुस बु नारय ।।
 वनय कूत मअजय चे रोशन छु मयोन हाल
 बु कोताह पशेमान शर्मसार तअ पामाल ।
 बु छुस वरअ गोमुत मोलुल अख गुलाला
 वदान छुस रिवान छुस दजान छुस बु नारय ।।
 अछन गाश असिथ मे दीदन छु अंधकार
 मे कामन क्रूधन तुलमुत छू गटअकार ।
 पतअ ब्रोंठअ वुछिनस मे कृत्य शाहमारय
 वदान छुस रिवान छुस दजान छुस बु नारय ।।
 मनस मैज में अंधकार वासनायि गटकार
 अपजयुक मे व्यवहार कर्मव बु बदकार ।
 गोदयोमुत छुस कोताह बु अमि पाप बारय
 वदान छुस रिवान छुस दजान छुस बु नारय ।।
 कसम छुय चे मयोनुय चु त्राव वोनि मलालय
 गंडिय गुलि “पोशि मौत” करान वीलजारय ।
 रंगा-रंग पोशन खअतिमत्य अम्बारय
 वदान छुस रिवान छुस दजान छुस बु नारय ।।

स्तुति-12

लारान दारि ओश बु हारान प्रारान वरस तल
 व्यन्ती बोजतम शाह आम सोरान ।
 वोनि मतअ करतम छल ।।
 योदवय कर्महीन वति छुस बु डोलमुत
 तोति छुस बु चान सतान- वोनि मतअ करतम छल ।।

दूर मतअ त्रावतम गाश आम सोरान।

गोमुत छुस बु नयेरबल-वोनि मतअ....।।

यी वोव मे डोरेन ती छुस बु लोनान।

नाहकय कअरमच में ग्रंद। वोनि मतअ...

नफा तअ नोकसान किथअ छुस बु छारान।

गअमच मे बअलि ग्राँगल-वोनि मतअ...।।

क्रेंजिलयेन मंज बाग पोन्थ छुस सारान।

सअरि-सअरि केँह न लारान-वोनि मतअ..

अखरस बु शरमन्द वति-वति बु फेरान।

रअसि गोम पातलयेन जल-वोनि मतअ...

पअरि-पअरय सोरि-सोरय केहँ छुम न सारान।

वोतुम बुथि इम्तिहान-वोनि मतअ...।।

करअ क्या नयेर अक्षर हजरस सयेजर कर।

लारान यितम जल-जल-वोनि मतअ...।।

मटि छुय सोख्य नफा तअ नोकसान।

ती कर यी गछि जान-वोनि मतअ...।।

छा रवा दकअ दयुन योदवय बु नादान।

रछतम मे दलिस तल-वोनि मतअ...।।

युथ छुसय तयुथ छुसय मोत या तोत छुसय।

पामन मतअ थावतम जाय-वोनि मतअ...

अथअरोट करतम तअथि छुस बु प्रारान।

त्रिशनायि रोटनस तल-वोनि मतअ...।।

भाव पोश अनिमय चअरि-चअरि सोमबरिथ।

पूजायि दिम अवरी-वोनि मतअ...।।

“पोशि मौत” मंडली हयेथ छु प्रारान।

त्रावतअ असि आमन जल-वोनि मतअ...

स्तुति-13

प्रारान बरअ तल मुचराव तअरी

जअरी बोज वनहअरिये।

पननि पूजायि हंज दिम अनुवअरी

जअरी बोज वनहअरिये॥

गरि प्येठ आमुत छुस आशायें

नजरा त्रावतम मे बद बखतस।

अरपन चे तनअ मनअ करतम मे यअरी

जअरी बोज वनहअरिये॥

अनुग्रह चानि सूतय मंगल छु सपदान

शिनिआहस नेरान नोन सबजार।

दूर गछान दोख तअ दअदि बेयि लाचारी

जअरी बोज वनहअरिये॥

सेदअ पीठस मअज छख सनिदान

श्री चक्र पूजान चेंय चकरीशोरी।

कुल आलमस छख चीय रक्षाकअरी

जअरी बोज वनहअरिये॥

चई छख राजिनया शारिका तु जाला

शारदा वारदा बेयि नारदा।

गायत्री रूप छख सर्वाधिकारी

जअरी बोज वनहअरिये॥

तुलमुलि नागस रअजिनया रूपस

बखशान भक्त्येन सोख तअ सम्पदा।

टोठान यस छख तस छि सरदअरी

जअरी बोज वनहअरिये॥

खवि बालस प्येठ ज्वाला मोखअ छख

नारस सोखु मोखु करान गुलजअरी

जअरी बोज वनहअरिये॥

येलि-येलि धर्मस हअनी छि सपदान

साद संत तु जीव बय बीत सपदान।

राखिसन तअ दैत्यन करान समहअरी

जअरी बोज वनहअरिये॥

तस कंति दोख तु दअदि यस मअज टोठख

परम दामय भूगान पर्म आन्नद।

अनअ-दनअ ओरजुव हरदम तस जअरी

जअरी बोज वनहअरिये॥

मनअ पोश “पोशिमत्य” अनिमत्य चअरि-चअरि

लागि भावनायि माजि चरणन।

अनुग्रह पनुन असि थाव जअरी

जअरी बोज वनहअरिये॥

स्तुति-14

तुलमुलि नागस पम्पोश बागस

मँज जअपाँनस मअज राज्ञिन्या।

कासान दोख तु दअदि नजरा कर्मस

मँज जअपाँनस मअज रअज्ञिन्या॥

साम छिस सोनअ सदि अमृत कोनडसीय

शूभान तअथि मँज क्या छि शूभिदार।

शेहजार तमिसुन्द छु कुल कायिनातस

मँज जअपाँनस मअज रअज्ञिन्या॥

मोख छुस असवुन डेकअ छुस फोलवुन

सीत्य छुस बवनीश्वर सनिदान।

पादि प्रणाम सोन तसिनदिस बखतस

मँज जअपाँनस मअज रअज्ञिन्या॥

वीद छुस वयीखनान ब्रोठकनि ब्रह्मा

गजिगाह छुस करान पानअ भगवान ।

त्रिकूटी दिवता छिस मँज भक्ति भावस

मँज जअपाँनस मअज रअझिन्या ।।

शूभान अथन छूस बयोन-बयोन हथियार

शेर बबरस प्येठ सअर करान ।

वातान हनि-हनि खासन तअ आमन

मँज जअपाँनस मअज रअझिन्या ।।

पाद छिस सोन्दर बेयि फलदायक

आनन्द बखशान भक्तयेन सान ।

अनुग्रह पनने तारान सोदरस

मँज जअपाँनस मअज रअझिन्या ।।

जामअ छिस जरकअरय कनन कनवअली

मुकटस शूभान मोखतअ जालार ।

शीतल सोबाव चोन वेशिनो ध्यानस

मँज जअपाँनस मअज रअझिन्या ।।

रंग-रंग पोशि पूज छी करान चरनण

भावान दोदअ डुलि बडि लोलअ सान ।

प्रकम छिस दिवान अमृत नागस

मँज जअपाँनस मअज रअझिन्या ।।

कंद नाबद थाल पेशकश थअविथ

अर्गअ पोश बर्गअ-2 करान अर्पन ।

गटि मँज गाश नोन टाकार जगतस

मँज जअपाँनस मअज रअझिन्या ।।

स्वर्गद्वार प्रोकुठुय माजि हुन्द छु दरबार

इन्द्राजअ वायान साज सन्तूर चोन्ज ।

तअ दायि बरसल मअज शरान आदस

मँज जअपाँनस मअज रअझिन्या ।।

राजिरेनि चानेन पादन शरणीय

“पोशिमोत” मंडली ह्येयेथ छु आमुत।

पअरि-पअरय लगहअय चअनिस नावस

मँज जअपांनस मअज रअज्ञिन्या॥

स्तुति-15

रअज्ञिन्या विहित छि तखतस-पोखतअ करि मयअनिस खामस।

नजरा मे त्रावि बखतस॥

दास छुस बु मअज चोनुय-मनि मँज मे राग चोनुय।

अज सु वाति मयअनिस बननस-नजरा मे त्रावि बखतस॥

वोलनस बु मुह जालन-अयानायि जंजालन।

कन थाव मे वीलअ जारस-नजरा मे त्रावि बखतस॥

रंगअ-2 खअतिमत्य खता-करतम मअज पापन क्षमा।

अथरोट मे बेचारस-नजरा मे त्रावि बखतस॥

बावहय पनुन एहवाल-गोमुत बु कूत कंगाल।

सोनु सु करि मयअनिस शशितरस-नजरा मे त्रावि बखतस॥

अनअ-धनअ बेयि ओरजुव-अछि गाश बेयि दोर कुठ।

ओबरय मे नाबकारस-नजरा मे त्रावि बखतस॥

सोख आनन्द तु अनुग्रह-जगतस करि पूरन।

सोखु मोखु कुल जहानुस-नजरा मे त्रावि बखतस॥

नम मे रटि कर नावे-सयेजरच वथ मे हावे।

तार दियम भवसागरस-नजरा मे त्रावि बखतस॥

आलवन म्यानेन थावेम कन-सहल कर म्यानेन मुशिक्लिन।

प्रथ दोहअ सुलि प्रभातस-नजरा मे त्रावि बखतस॥

अज चअ मअज कथ तारअ बोज-मन तारि छुम वजान सोज।

“पोशिमौत” छु इन्तिजारस-नजरा मे त्रावि बखतस॥

स्तुति-16

गोमुत छुस बु आवारय-रछतय मअजय अथ नय छुय चारय।
 भवसरअ दिम मे तारय-रछतम मअजि अथ छुय न, काँह ति चारय॥
 फोटमुत बु भवसरसीय-मँज छुस बु, आवलनिसीय।
 खोनि रटुम दिम मे तारय-रछतम मअजि अथ छुय न.....॥
 मँज छुस बु जंजालस-त्रिशनायि मुह जालस।
 क्रँजलि पोन्य कूत बु सारय-रछतम मअजि अथ छुय न.....॥
 गरि पयेठ आस लारान-डेडि चानि तल बु प्रारान।
 छुस दजान मुह नारय-रछतम मअजि अथ छुय न.....॥
 दूर क्याजि मअज त्रोवथस, वनतय कस पुशरोवथस।
 कोताह वोनि बु प्रारय-रछतम मअजि अथ छुय न.....॥
 ओनु छुस गटि मँज वथ मे हाव असलच मअजय।
 गटि मँज गाश दारय-रछतम मअजि अथ छुय न.....॥
 नयेरअक्षर छुस बु अंजान, नेशि बोद त बेयि नादान।
 करतम वोन्थ मे कथु तारय-रछतम मअजि अथ छुय न.....॥
 भक्तिय आयि चेय शरनय पादन चे पेयि परनय।
 जन वजान नबचि तारय-रछतम मअजि अथ छुय न.....॥
 “पोशिमौत” ओय बरअ तल करतस मुशक्लिन हल।
 बोजतम चु जार पारय-रछतम मअजि अथ छुय न.....॥

स्तुति-17

प्रारान बर तल असि छि आरहतिये

मअज भगवतिये मे दर्शुन हाव।

पूजायि चानि कित्य अनिम पोशि फोतिये

CC-0. Ishwar Ashram Trust. Digitized by eGangotri

मअज भगवतिये मे दर्शुन हाव।

गरि पेठअ आसय आशायि चाने

बूजुम सपदयेम मुश्किलन हल ।

आदि प्रभातस प्रक्रमस खतिये

मअज भगवतिये मे दर्शुन हाव ।।

थज्जरस चकरीश्वर चोन दरबार

सास बासकर तीज नोन जोतान ।

वामअ दीवस स्त्रीतय शुभान ततिये

मअज भगवतिये मे दर्शुन हाव ।।

त्रिकूटी दिवता समिथ आयि सअरी

जअरी छिय करान गुलि गंडि गंडि ।

पद्मासन छख च पदमावतिये

मअज भगवतिये मे दर्शुन हाव ।।

आदिदीव डेडि प्येठ संतान चोनुय

दूर करान दोखु तअ दअदि बेयि आपदा ।

शर्म करान इन्द्रियन सोख मोख ततिये

मअज भगवतिये मे दर्शुन हाव ।।

ॐ भूर भवः स्वाः मैत्र जपअ सूतय

दूर गछान गटअ जोल तु बेयि अंधकार ।

हमसः वाहन छख मअज सरस्वतिये

मअज भगवतिये मे दर्शुन हाव ।।

चई छख रअज्ञिन्या शरिका तअ ज्वाला

चई छख बाला तु मअजि चंडिका ।

ही त्रपोरसोन्दरी लागय पोशि फोतिये

मअज भगवतिये मे दर्शुन हाव ।।

आगरूक शोहजार नोन चे बारगाये

शोहलाम हमअ हमअ दर्शन सूतय ।

अनुग्रह पूरन ब्रौंठ तय पतिये

मअज भगवतिये मे दर्शुन हाव॥

तुलिमुलअ नागस चे अमृत जअरी

गदि प्येठ बिहित छख मअज रअजिनया।

अष्ट स्यदी चे ब्रौंठअ कनि कलावतिये

मअज भगवतिये मे दर्शुन हाव॥

पाद चअनि पूरन छि आनन्द सागर

ललवान तअ पूजान कुल कायिनात।

तारान भवसरस छख च विद्या वतिये

मअज भगवतिये मे दर्शुन हाव॥

रंगा रंग घोश फोलि मे मनअ वारे

मारान ग्रायि तिम छि मस्ती मन्ज।

वोजल्य नील कोसम जरद तय छेतिये

मअज भगवतिये मे दर्शुन हाव॥

सोनअ रंगअ जामअ चअनि कल्याणकारी

वोलसान जगत छुय रंगनीय मँज।

“पोशि मौत” पांश हयेथ छुय लवुहतिये

मअज भगवतिये मे दर्शुन हाव॥

स्तुति-18

जाँड जुलमच तु व्याद कासन तु लो लो

आयि दुर्गा छटअ मारन तु लो लो।

वछि वअलिंजय नाद लायन तु लो लो

आयि दुर्गा छटअ मारन तु लो लो॥

हनि-हनि मँज गाह प्योव साक्षात्कार

गटअ चअजि तु दूर गव मुह अंधकार।

सास बासकर तीज प्रजलन तु लो लो॥

आयि दुर्गा छटअ मारन तु लो लो॥

ग्रज वअछ चोपअरय वीद परनस

पूज करनस तअ बेयि धूप जालनस।

इन्द्राजल मयूठ साज वायन तु लो लो

आयि दुर्गा छटअ मारन तु लो लो॥

वावअ मालअ गंजि भक्तयेव कमि लोलु सान

पोशि छरि हयेथ दोछि-2 वतअ शेरान।

रंगअ मंडुल क्या शोलअ मारन तु लो लो

आयि दुर्गा छटअ मारन तु लो लो॥

कंद नाबद सोनअ थालन हयेथ छि लारान

रोपअ खासेन दोदु हरअ हयेथ छि प्रारान।

लोलअ भक्तयेन छि अअस दारन तु लो लो

आयि दुर्गा छटअ मारन तु लो लो॥

शुरि तअ बालक अडअकल्य नाद लायान

केहँ अन्द कुन साजअ सिंगार पअरान।

यूगअ अमृत दामअ चावन तु लो लो

आयि दुर्गा छटअ मारन तु लो लो॥

रअवि करि-कुरय वनवुन माजि वनवान

साज सिंगार हयेथ अन्दकुन केहँ छि प्रारान।

चौजअ दायि क्या मोहर छलन तु लो लो

आयि दुर्गा छटअ मारन तु लो लो॥

यीरअ गअमत्य शाठस कुन लारान

तारअ बापथ लोलअ ओश तिम छि हारान।

बनि अनुग्रह तारअ तारन तु लो लो

आयि दुर्गा छटअ मारन तु लो लो॥

पोशि बागस फुलिया क्या छि शुभान

लोलअ बोमबुरा गंअ गंअ यूर ईरान।

“पोशि मति” चेन दीदअ गोशव तु लो लो

आयि दुर्गा छटअ मारन तु लो लो॥

स्तुति-19

बु छुस लरजान वुछिथ यि तूफान
 यि माता क्या छुस बु, डेशान।
 बु माता दूर क्याजि ओनथस
 कोहन बालन क्याजि छेवथस।
 मुरान गुलय तअ वुठ बअ फेशान
 यि माता क्या छुस बु, डेशान।
 नागअ राद चयअनि छि छोह मारान
 वअरान जायि शोलनावान।
 कतरअ दादि मअजैय बु क्याजि केशान
 यि माता क्या छुस बु, डेशान।
 दम-फुटि मअज छुस बु अन्दरी
 हालि दिल बावहय छोपअ करिथीय।
 अरमान पनिनीय बु क्याजि दफनान
 यि माता क्या छुस बु, डेशान।
 नयेथ नोन मअजैय गरि येलि द्रास
 आशायि सान मअज चैय निश आस।
 करअ क्या मअजैय छुस परेशान
 यि माता क्या छुस बु, डेशान।
 ललवान मअज छोख छुस बु अन्दरी
 ग्रंदि रोस बेशुमार कुस में ग्रंजरी।
 खून छुम जअरी नून जून तेलान
 यि माता क्या छुस बु, डेशान।
 चे रोस माता छुस बु खोचान
 निश रोजतम मअज ती गछि जान।
 शहर गाम "सौदाम" छुय चे छासत
 यि माता क्या छुस बु, डेशान।

स्तुति-20

राजि रेनि पदमावती-शेरि लागय पोशि फोती ।
 दान करतम मे भक्ती-शेरि लागय पोशि फोती ।।
 छु गजमफर चे वाहन-बय हरवनि च दासन ।
 ताबे चे मअति तय तती-शेरि लागय पोशि फोती ।।
 मुकटस छीय चे जोतान-नवग्रह तअ सिरिय भगवान ।
 प्रकरमस चअनिस खती-शेरि लागय पोशि फोती ।।
 नाव छुय जगतमाता-बखशान सोख तअ सम्पदा ।
 दूर करतम मे सखती-शेरि लागय पोशि फोती ।।
 डेडि चानि तल यिम चाय सोख तु आनन्द ह्येथ ब्राय ।
 प्रावान परमय गती-शेरि लागय पोशि फोती ।।
 अज छुय चे म्योनय साल-बअरि-बअरि मे खिर खंड थाल ।
 ननि हावतम मे भक्ती-शेरि लागय पोशि फोती ।।
 केशान छुस बु करअ क्या-बुधि छुम जयूठ सफरा ।
 जिगरस मे आम तती-शेरि लागय पोशि फोती ।।
 पिलअ कोत बु जंजालस-बन्द गोस मुँह जालस ।
 ग्रीशमस त्रेशि हती-शेरि लागय पोशि फोती ।।
 “पोशि मौत” छु करान जार-दासस च भवसर तार,
 राजिरेनि पदमावती-शेरि लागय पोशि फोती ।।

स्तुति-21

कोनय छुय गछान प्योन ज़र-ज़र लो लो
 मअज कासतम कालअनि थर, लो लो ।
 कुलि हअकिमन छखय अफसर लो लो
 मअज कासतम कालअनि थर, लो लो ।।

मअज कासतम छखय अफसर लो लो

पापन मैज आमुत छुस अरअ लो लो ।

मअज कासतम आमुत छुस अरअ लो लो

मअज कासतम कालअनि थर, लो लो ।।

पादन चानेन मअज करहव पूज

नयेथ रोजहा चाने भक्ती लीन ।

दूर करतय वोनि मरअ-2 लो लो

मअज कासतम कालअनि थर, लो लो ।।

अष्टादश भुजा छख च माता

सारि जगतूच छख चीय माता ।

बरतलि आमत्य मुचराव बर, लो लो

मअज कासतम कालअनि थर, लो लो ।।

जार सअनी माता बोजखना

साथाह असिनिश रोजखना ।

वानि दर्शन पाप शाप इर, लो लो

मअज कासतम कालअनि थर, लो लो ।।

माता छिय असि चअनी संतान

दूरेर हयोन माता छा गछान जान ।

प्राण सअनी लगिमित्य छि दर, लो लो

मअज कासतम कालअनि थर, लो लो ।।

चोन दरबार क्या शुभिदार

सारिनीय दीवियन हंजे छख सरदार ।

नावअ चानि तरान भवसरअ लो लो

मअज कासतम कालअनि थर, लो लो ।।

माता जगत छुय चोन दरबार

लुकभवनस मैज छख च ताजदार ।

मैज नागस छुय शंकर लो लो

मअज कासतम कालअनि थर, लो लो ।।

कजि माजै अअस जूनमच हान,
 दर्शन चच्यानयुक तस ओस अरमान।
 गंगा अनिनय तमय गरअ लो लो
 मअज कासतम कालअनि थर, लो लो॥
 “पोशि मतिसीय” गनयोमुत चोनुय राग
 प्राणव खोतअ तस टोठ चोनुय नाग।
 पअजि पअठि छुय तस तति गरअ लो लो
 मअज कासतम कालअनि थर, लो लो॥
 नादन सानेन मअजैय थावतय कन
 प्राण सअनी माता छुय चै अरपन।
 “अवतार रतन” आव अरचरअ लो लो
 मअज कासतम कालअनि थर, लो लो॥

स्तुति-22

कर्मव कोरुस बु पन-पन-तलय मअजि न्यायस मे सन।
 अर्पन छुसय तन-मन-तलय मअजि न्यायस मे सन॥
 शरमंद छुस बु वनअ क्याह-रंग-रंग खतिमत्य खता।
 रोटमुत छुस बु पापन-तलय मअजि न्यायस मे सन॥
 करतूत म्यअनी छि दागदार-अपजयुक मे छुम व्यवहार।
 संताप सूत्य दुज मे तन-तलय मअजि न्यायस मे सन॥
 बुधि छुम जयूठ सफरा-वति हंज नय केहँ खबरा।
 केशान छुस बु क्षण-क्षण-तलय मअजि न्यायस मे सन॥
 जअलि हारि गोम लोकचार-यावनस फोर मे अंधकार।
 क्रेंजिलि पोन्नय जून सारान-तलय मअजि न्यायस मे सन॥
 गुलि गंडिथ आमूत गदा-लायान डेडि तल सदा।
 कन थाव म्यानन नादन-तलय मअजि न्यायस मे सन॥
 गोट छुम मे वुशअ क्या बअ-वाति-वाति फेरान बअ।

गाश अनतम मे नयेथरन-तलय मअजि न्यायस मे सन॥
 पछ छम मे अख चअनी-ज़ार बोजुम राजिरअनी।
 कर सअहल म्यानेन मुशिविलन-तलय मअजि न्यायस मे सन॥
 दकअ-ज़दअ आमुत योर-मुचराव ध्यानुक तोर।
 मालअ करिमय मे रूपन-तलय मअजि न्यायस मे सन॥
 भाव पोश हयेथ आस बु योर-आशिवानि छलहय खोर।
 “पौशि मौत” चेयि प्रारान-तलय मअजि न्यायस मे सन॥

स्तुति-23

चानि डेडि तल आसय येछि-पछि मअजअय।
 यिनय त्रावहअम बअहय गछय लछि मअजअय॥
 नय ज़ानय पाठ तय नय पूजा
 नय वोपरम अंग-न्यास बेयि संध्या।
 चोन ध्यानाह गंडिथ छुमय मछि मअजैय
 यिनय त्रावहअम बअहय गछय लछि मअजअय॥
 यंथर तय तंथर क्याह मे करनम
 निशबोद्ध छुसय डंडवथ च़ेय सरखम।
 चोन नावाह खनिथ छुमय वछि मअजैय
 यिनय त्रावहअम बअहय गछय लछि मअजअय॥
 च़ेय रुस मअज खोचान छुस बु क्षण-क्षण
 मुह गटि मन्ज़ छारान गोस पन-पन।
 निश रोज़तम तु बेयि क्या मे गछि मअजय
 यिनय त्रावहअम बअहय गछय लछि मअजअय॥
 होल गोम मअज सीनअ वोन्य आय फटनस
 मोख मे हावतम सोखअ सान नादानस।
 लोलअ ख्यावथ बु किशमिश तु दछि मअजैय
 यिनय त्रावहअम बअहय गछय लछि मअजअय॥

मतय त्रावतम तु हावतम पननुय शबाब
 कथ बोजतम तु वुछितम लोलुक हुबाब।
 अख अनुग्रह आगरुक मे गछि मअजय
 यिनय त्रावहअम बअहय गछय लछि मअजअय॥
 रंग-रंग पोश लागय शेरि चाने
 ही तु मस्वल वेनअ गुलाब वेरि चाने।
 “पोशि मौत” हय आव येछि तय पछि मअजैय
 यिनय त्रावहअम बअहय गछय लछि मअजअय॥

स्तुति-24

छम चलान सअरीय गांगल-माता चानि डेडे तल।
 सोन बनान म्यअनि सरतल-माता चानि डेडे तल॥
 प्येठ नागस छुय चे थान-जीठियअरअ छख च सनिदान।
 निर्मल अमृत जल-माता चानि डेडे तल॥
 मोख चोन क्याह दु शुभिदार-मुकटस मोखतअ जालार।
 रंग-रंग पमपोश डल-माता चानि डेडे तल॥
 शेरस पयेठ च सवार-चोतुरभोज साक्षात्कार।
 सर्व आनन्द तअ मंगल-माता चानि डेडे तल॥
 दस्त-बस्त छिय चे माता-सूर्य चन्द्रम तअ दीवता।
 योगअ ध्यान ज्ञानअ वुजमल-माता चानि डेडे तल॥
 अरुत बअ डेडि तल आस-कासतम सोख्य वसवास।
 बलहीनस बनान बल-माता चानि डेडे तल॥
 वोलनस बु मुह जालन-मायायि जंजालन,
 यलअ गछान जअदि हंअकल-माता चानि डेडे तल॥
 सहायतस रोजतम मअजि- यी गछि ती मे दिम मअज,
 युथ बनेम मुश्किलन हल-माता चानि डेडे तल॥

युस काँह चे निश मअज आव-मनि मँज हयेथ पोज भाव ।
 प्रावान रअति-रअति फल-माता चानि डेडे तल ॥

“पोशि मौत” हयेथ भाव पोश-तलय अज थावतम गोश ।

कलि-2 वुहान शशिकल-माता चानि डेडे तल ॥

स्तुति 25

द्रायि फुलिया बादाम वारि लो लो

करु पूजा जगत अम्बायि लो लो ।

चकरीश्वर बजि बारगायि लो लो

करु पूजा जगत अम्बायि लो लो ॥

वथू पानो खसू वोन्य प्रकूरमसीय

वर वोधि छीय अज तति ज्ञान रस्सीय ।

वछि वंअलिजि बजि भावनायि लो लो

करु पूजा जगत अम्बायि लो लो ॥

शिव शीवय बोलान वात डेडि तल

आदि दीव तति कासियो ज़नमुक मल ।

निर्मल बन तु नेर साधनायि लो लो

करु पूजा जगत अम्बायि लो लो ॥

फेरु अंदि-अनदेय लोलअ सान सत त्रेदशिनीय

सत ग़ोवनय प्रावख आधिकार चई ।

सत गाश नेरि चयेथ मायायि लो लो

करु पूजा जगत अम्बायि लो लो ॥

काल भय निश रछियो मअज कालिका

बियहू साथाह मनि मन्ज दार दारना ।

बडि क्रख लाय माजि अम्बायि लो लो

CC-0. Ishwar Ashram Trust. Digitized by eGagotri

करु पूजा जगत अम्बायि लो लो ॥

नन्दन वन के शूबान क्याह छु आँगन

अशि वानि सीतय दयू तति शरूच माज्जन ।

गुलि गंडि-गंडि परिव तोतायि लो लो

करू पूजा जगत अम्बायि लो लो ॥

त्राव पादन तल चीय मायाजाल

खसू हेरे हेसअ सान सूहम बाल ।

पावि-पावि पूरअ श्रद्धायि लो लो

करू पूजा जगत अम्बायि लो लो ॥

अचू अन्दर मचू ज़न बिन्द आकार

जर अछि ज़अ पादन युस छु साक्षात्कार ।

प्रावू आनन्द यूगअ मायायि लो लो

करू पूजा जगत अम्बायि लो लो ॥

लोलअ ज़ालतो हृदययुक रत्नदीप

प्राण आलवान अंदि-अंदि धूप तय दीप ।

बरगअ-2 अरगअ पोश मनअ लो लो

करू पूजा जगत अम्बायि लो लो ॥

वसू लोत-लोत हेरे निश हअरी

छुख ग्रहसती कासियो सोय खअरी ।

बनि यअरी तसिंजे रायि लो लो

करू पूजा जगत अम्बायि लो लो ॥

अनअ-धनअ बेयि ओरजू नोन बखशान

मअजि लक्ष्मी गदि पयेठ शूभायिमान ।

डेकअ गअखरान चलन आपदायि लो लो

करू पूजा जगत अम्बायि लो लो ॥

पोखरि बलअ छुय निर्मल ज़ल नागस

अमृत कुण्ड शूभान मँज ललाटस ।

चो गलि-गलि गोरअ भावनायि लो लो

CC-0. Ishwar Ashram Trust. Digitized by eGangotri

करू पूजा जगत अम्बायि लो लो ॥

करू वोपरम अचू वोन्य मँज बागस
 रंग-रंग छिय रंग तस पाक जातस ।
 बनू हमसा फेरू शायि-शायि लो लो
 करू पूजा जगत अम्बायि लो लो ॥
 “पोशि मति” पोश बुछ क्या आयि फोलनस
 ही तअ मस्वल वेनअ गुलाब पूजि लागनस ।
 मअजि शारिका छावनि द्रायि लो लो
 करू पूजा जगत अम्बायि लो लो ॥

स्तुति-26

प्योमुत छुस बु सरिराह-यिनय मअज मशरख मे जांह ।
 मे नय छुनअ चे सिवा कांह-यिनय मअज मशरख मे जांह ॥
 दूर कयाजि मअज त्रोवधस-वन तय कस बु पुशरोवधस ।
 यूत कयाजि दयुतथम सजा-यिनय मअज मशरख मे जांह ॥
 त्रावतम मे अख नजरा-कर्मस बनेम सयेजरा ।
 बखशुम सोख तअ सम्पदा-यिनय मअज मशरख मे जांह ॥
 त्रावतय मलाल मयोनुय-वन्दहय कबील क्रोनुय ।
 माफ करतम सअरी खता-यिनय मअज मशरख मे जांह ॥
 प्योमुत बु आसमानय-नेशिबोद्ध तअ नादानय ।
 रछितम तअ करतम रक्षा-यिनय मअज मशरख मे जांह ॥
 वअतिमित्य छिम बडि-2 कार-चन्दअ छयोन छुस बु नादार ।
 अथअरोट करतम सअरी खता-यिनय मअज मशरख मे जांह ॥
 रूगी छुस बु बेमार-मअजअय ईतनय आर ।
 रूगन करतम शफा-यिनय मअज मशरख मे जांह ॥
 मनि मँज छम गनान कल-करतम मुशिकलन हल ।
 दकअ लायुन छा रवा-यिनय मअज मशरख मे जांह ॥
 डेडि तल छुस बअ वनहअरि-मुचराव बरनेन तअरि ।

गुलि गंडिय प्रारान गदा-यिनय मअज मशरख मे जांह ॥
 मुक्ति तिम छि प्रावान-लुकभवनअ दिविया करान ।
 दोह चोन हारय बाह-यिनय मअज मशरख मे जांह ॥
 योदवय बु चीरि वातय-योर चानि डेडे तल ।
 चीय हय हेयिजेम तोति खबरा-यिनय मअज मशरख मे जांह ॥
 लछि बदि छि रूप चअनी-जगि छखय पालअनी ।
 अन्द-वन्द मे चअनी सथाह-यिनय मअज मशरख मे जांह ॥
 दम फुटि गोस अन्दरी-मोख हाव शयाम सेन्दरी ।
 त्रावतम मे शेहजारा-यिनय मअज मशरख मे जांह ॥
 अनिमय पोशि फोती-शेरि लागी पाशि मौतुय ।
 सआतय छुसय "अवतारा"-यिनय मअज मशरख मे जांह ॥

स्तुति-27

बु नय चालय वोल् यूत गोव बार मअजैय ।
 वुहान छुम मनस मन्ज तेंगुल नार मअजैय ॥
 गयख कोत में त्रअविथ अडुवति सरिराह ।
 बु गोसय दमफुटि अशिस दार मअजैय-वुहान... ॥
 बनन लद दोयिम काँह छुनय मअज मेय हयू
 बेकस हचरलद शरमसार मअजैय-वुहान... ॥
 करान खंद मे सअरी लोगुस मअज पामन ।
 चे रोस नय लवय बअ खँडहार मअजैय-वुहान... ॥
 मे छिम मअज गछान गितय छुनय काँह मे बोजान ।
 सितम कअत्य मे गअमत्य सितमगार मअजैय-वुहान... ॥
 वुछान मअज मे अअस्व अडकलि चालय ।
 वनय क्याह बु गोसय संगसार मअजैय-वुहान... ॥
 खता क्या मे खोरुथ खा खा दकम दकुत ।
 दलिस तल हैतम जल खैमाकार मअजैय-वुहान... ॥

चु यिखना लटे अकि करय पोशि वरशुन।

दिमय भूस पादन चे सतबार मअजैय-वुहान...।।
वनान “पोशि मौत” छुय तरानय चअनी।

चु यिखना तु त्रावख शेहजार मअजय-वुहान...।।

स्तुति-28

समयन करिमत्य छि मारय-करतय मअज सोन चारय।
बोजतय वोन्य जार पारय-करतय मअज सोन चारय।।
नबअ पेठअ पयोमुत पथर-दारि ओश बेयि थर-थर।
किथअ चालअ क्रूठ बारय-करतय मअज सोन चारय।।
गटअ जोल बेयि अन्धकार-अजगर तअ बुधि शाहमार।
पथ फेरनस नय वारय-करतय मअज सोन चारय।।
कोत गव सु बोनि शेहजार-गरमन तुल गटकार।
जून दजान नरकअ नारय-करतय मअज सोन चारय।।
सअरिसीय गव लुरअपार-हंगअ-मंगअ रोव घर बार।
वति पेठअ पेयि खारय-करतय मअज सोन चारय।।
सीनअ फोट अछेन रोव गाश-सीरस सपदयेव फाश।
केहँ नय ओय सोन आरय-करतय मअज सोन चारय।।
यीरअ गयि भवसरसीय, हेनअ आय आवलेनिसीय।
पननि अथअ दितअ तारय-करतय मअज सोन चारय।।
गटि मँज दोरअ-दोरअ करान-क्रेंजिलयेन पोन्थ सारान।
बेबस तु बेचारय-करतय मअज सोन चारय।।
पँजरस मँज छट्रअ-2 करान-चन्द छयोन अन्दरी सोरान।
गोमुत पार पारय-करतय मअज सोन चारय।।
“पोशि मौत” जख्म गंजरान-अशि कनि खून हारान।
वनि कूत छुय शुमारय-करतय मअज सोन चारय।।

स्तुति-29

मअज भवअनी बोज जअरी रोज संतुष्ट सर्वदा।
 छुस पथर प्योमुत तुलुम थोद-सोजतम दादेन दवा॥
 वति प्येठ मअज पयेमच मे खार-बेबस गोस लाचार।
 पननि अनुग्रह कर मे यअरी-डेडि तल बु लायान सदा॥
 खोचान छुस मे छुम यिवान ब्रम-करमव कोरुस बु पन-पन।
 कर मे मंगल कर्मस स्येजर-नाद लायान छुस गदा॥
 यीरअ गोमुत मैज सोदरस-गतअ गीरिस हेनअ आस।
 नम मे रठथम दिह नावे-तारअ तारुम श्री अम्बा॥
 गटि मैज छुस छूट-छूट करान-नयेर अक्षर बेयि नादान।
 क्रेंजिलयेन गोस पोन्थ सारान-अंजान गोस वोन्थ जुदा॥
 यस करान छख पर्दअ पूशी, पुशरान तस च भक्ति।
 गाटस नफा तमाहस जमा, बअगरान सोख तु सम्पदा॥
 दअदि लद छुस छोख ललवान-रोवमुत मे नेह तअ आराम।
 रछतम पादनीय तल-चावतम मे दोदअ दामा॥
 “पोशि मौत” छुस मंडली हयेथ-डेडि चानि तल सरखम।
 कर मे अनुग्रह रूगन शफा-हावतम मे असलच वथा॥

स्तुति-30

रेथ ओस जेतुन दोह ब्रसवार
 जिष्टा दीवी दोर अवतार।
 क्रख गयि आलमस फयूर शेहजार
 जिष्टा दीवी दोर अवतार॥
 मोख चोन शुबवुन शयाम सोन्दर
 न्येत्रर जन बरगि नीलोफर।
 मुकटस शूबान मोखतअ जालार

मँज नागस मअज रोटमुत चे थान

सासअ बदि सिरिं ज़न मोख प्रज़लान।

वाह-वाह शूबान क्याह यि दरबार

ज़िष्टा दीवी दोर अवतार॥

अस्त्र तअ शस्त्र क्या च दअरिथ

कम-2 बलवीर मदु वअलिथ।

राखिसन तु दयत्यन कोरुथ सम्हार

ज़िष्टा दीवी दोर अवतार॥

जीठियअरअ नन्य द्रायख साक्षात्कार

गटअ चअज छैतअ गौव नरकुन नार।

अमि तीजअ दूर गव मुह अंधकार

ज़िष्टा दीवी दोर अवतार॥

दीवी तु दिवता आयि शरनीय

गुलि गंडि-2 आयि पेयि परनीय।

पूजहअक तअ खअरियह पोशि अम्बार

ज़िष्टा दीवी दोर अवतार॥

पअरि-पअरय लगहा शिव नाथस

यमि प्रकट कअरनख मँज नागस।

गगरिबलअ वअतिथ बुथि गुपकार

ज़िष्टा दीवी दोर अवतार॥

“पोशि मौत” पंअचम दोह आव लारान

कौशल्य्या हयेथ डेडि तल प्रारान।

कर क्षमा पापन गयि लाचार

ज़िष्टा दीवी दोर अवतार॥

स्तुति-31

पादन बु मीठि दिमहा नवदुर्गाये लो लो।

पोशन बु मस्तअ करहा बजि भाकतयि लो लो

यच्चकाल गव मे प्रारान-मनि मैज ध्यान दारान।
 करि मे अनुग्रह पूरन-माजि अम्बायि लो लो॥
 स्वर्गाअदार हयू छु आश्रम-तति गव मे इन्द्रियन श्रम।
 हनि-2 मैज शैहजार-नोन बारगायि लो लो॥
 यानि चास डेडि अन्दर-गदि पयेठ विहित छि सोन्दर,
 सोख तु आनन्द पूरन-विहित कमि शायि लो लो॥
 ओकदोह दोह सअरी-समिथ आयि ननवअरी।
 अधन कयेथ पोशि अम्बार-अमि चानि रायि लो लो॥
 पूज करहय चे लोलअ सान-शैलपुत्री सनिदान।
 बडि तअ बालअ गुलि गंडि-2-वुछ कमि मायि लो लो॥
 दोयि दोह चोल मे दोगिनयार-ज्ञान गयि मे साक्षात्कार।
 ब्रम कोस मे ब्रह्मचारिनीय-पानअ मातायि लो लो॥
 डेकि चन्द्रम शुभान-ऊज-तीज गाह प्रजलान।
 तन-मन गोस अरपन-चन्दरअ गंटायि लो लो॥
 चन्द्रम दोह सोखअ सान-कुशमाँडी छि टोठान।
 अनुग्रह तसुन्द पूरन-कुल प्रजायि लो लो॥
 पाँचवय प्राण मयअनी-रूम-2 पूजअनी।
 पँअचम दोह तन मन-सिकन्द मातायि लो लो॥
 छु प्रणाम काँतयिनी-जय माता भवअनी।
 सहसरअ डलअ ननि द्रायख-यूगअ मायायि लो लो॥
 दूर गव मे कालुन त्रास-बेयि खौफ बेयि वसवास।
 शुरि तअ बअच हयेथ आस शरण-माजि कालिकायि लो लो॥
 मअज गौरी छि दासन-दोख तअ दअदि सअरी कासन।
 प्राण आलवस बु पादन-मुह मायायि लो लो॥
 रूत क्या छु अज वेला-सनमोख छि नौ दुर्गा।
 सास सिरिं मोख ज़ोतान-कासि आपदायि लो लो॥
 “पोशि मति” हयेस होश थाव-रूजितन तसिन्दय लादन।
 प्रथ जीपकायि लो लो माजि अम्बायि लो लो॥

स्तुति-32

निश पानस मे थावतम-दूर मतय वोन्त्य त्रावतम।
 कँअसि पैठ मतय पावतम-दूर मतय वोन्त्य त्रावतम॥
 मुँह गटि मैँज बु अंजान-अनि सारि वअनि छुस दीवान।
 गाटि मैँज मे गाश हावतम-दूर मतय वोन्त्य त्रावतम॥
 जेववुन शुरि बु नालान-अशि कनि खून हारान,
 यूगअ अमृत मे चावतम-दूर मतय वोन्त्य त्रावतम॥
 त्रेशिन्यायि जाल वोलनम-ममतायि गंड फयुरनम।
 अमि जालअ मोकलावतम-दूर मतय वोन्त्य त्रावतम॥
 खयेन-2 छुस बु केशान-करअ क्या छुस परेशान।
 करमअ न्याय अंजरावतम-दूर मतय वोन्त्य त्रावतम॥
 करमअ फल मे कूता कूठ-अपजुय मे बासयोम म्यूठ।
 नयेन्दि मन्ज मे वुजनावतम-दूर मतय वोन्त्य त्रावतम॥
 खंद गयम गुलालअ पानस-बेबस नाबकारस।
 बरअ गोस फोलअनावतम-दूर मतय वोन्त्य त्रावतम॥
 यितअ मछि मैँज बु प्योमुत-चेय निश छेनअ गोमुत।
 निश पानस मे थावतम-दूर मतय वोन्त्य त्रावतम॥
 वअतिमित्य छिम बअडि-2 कार-करअ क्या छुस बु लाचार।
 ज़ाह ति परअ मतअ पावतम-दूर मतय वोन्त्य त्रावतम॥
 दअदि लद छुस बु बेमार-मअजय यीतनय म्योन आर।
 रूग तअ शूक सअरी कासतम-दूर मतय वोन्त्य त्रावतम॥
 जगतच छख च त्राता-नाव चोन जगतमाता।
 सनमोख नयेथ मे बासतम-दूर मतय वोन्त्य त्रावतम॥
 पूजहअथ सुबह शामनीय-मीठि दिमहय बु ज़ामनीय।
 निशठा तु धवेर मे चावतम-दूर मतय वोन्त्य त्रावतम॥

नौ दुर्गायि आस शरनीय-पाप शाप सोय छि हरनीय।
 गुरअ पीड़ा मे कासतम-दूर मतय वोन्य त्रावतम॥
 खिरअ खंड बरिमय मे थाल-मअजैय अजु चे छुय साल।
 भक्ति ननि मे हावतम-दूर मतय वोन्य त्रावतम॥
 हनि-हनि छम गनान कल-मअजि कर मे मुश्किलन हल।
 शेहजार नोन मे त्रावतम-दूर मतय वोन्य त्रावतम॥
 रंग-रंग पोश फोलिमत्य-“पोश मौत” डालि ओनमुत।
 मन पोश फोलरावतम-दूर मतय वोन्य त्रावतम॥

स्तुति-33

घरि प्येठ आस लारान-अजु छि बटवार मअजैय।
 डेडि तल दुस बु प्रांरान-अजु छि बटवार मअजैय॥
 चक्रीश्वर छु चोन थान थजरस शुभायिमान।
 अन-धन छख च बअगरान-अजु छि बटवार मअजैय॥
 नाव चोन मअज शारिका-रुगन च करवन्य शफा।
 पायि बअड छख दयावान-अजु छि बटवार मअजैय॥
 दस्त-बस्त छिय चे दिवता-हरी-हर तु बेयि ब्रह्मा।
 दाछि-2 पोश लागान-अजु छि बटवार मअजैय॥
 केहँ छि मअज ध्यानस-केहँ छि वीद परनस।
 परवानअ कीरतन करान-अजु छि बटवार मअजैय॥
 डेडि तल भक्तिय प्रारान-अशि कनि खून हारान।
 हालि दिल माजि बावान-अजु छि बटवार मअजैय॥
 आगरुक छुय नूर चमकान-सास सिरिं मोख, जोतान।
 बडि तअ बालअ लीला परान-अजु छि बटवार मअजैय॥
 ताबे चे त्रिभुवन छुय छय मा कअँसि हंन दुय

हनि-2 छख च़ेय वातान-अज़ छि बटवार मअजैय॥
 एकदंत छुय च़े डीडिवान-च़ोतर डल वलबायिं सान।
 महागणपत दयावान-अज़ छि बटवार मअजैय॥
 अज़ छि मअज कअचा शाद-बोज़ान दाद फरियाद,
 पाप शाप सअरी बख़शान-अज़ छि बटवार मअजैय॥
 लाल जवाहर छिस तख़तस-नज़रा त्रावि भख़तस।
 अनुग्रह पूरन करान-अज़ छि बटवार मअजैय॥
 बेअन्त छि चअनी दया-यस करख बागिवान स्येठा।
 फोतस मोख़तअ बनान-अज़ छि बटवार मअजैय॥
 दीवी आँगन दयुतमय नाद-दूर कर ज़गि वोन्य व्याद।
 पावि-2 हैरि खसान-अज़ छि बटवार मअजैय॥
 हफ़तस मे रोज़ान कल-वातअ कर बु पोख़रिबल।
 पोशि पूज़ पादन करान-अज़ छि बटवार मअजैय॥
 रंग-रंग पोशि च़अरि-चअरय-शेरि लागय मअज वनअहअरि।
 “पोशि मौत” बडि लोलु सान-अज़ छि बटवार मअजैय॥

स्तुति-34

अती रोज़ मे छम चअनि लादन
 बु मनि हय वन्दय परम पादन।
 च़ कन थावतम मे लोलु नादन
 बु मनि हय वन्दय परम पादन॥
 च़ छख मअज म्यअनि बु छुस चोन संतान
 मशरावुन मअज छा गछान जान।
 मअजैय च़ वाती म्यानेन दादेन
 बु मनि हय वन्दय परम पादन॥
 यितअ मअज च़ अंख रछा मयोनय
 वन्दय बु पनुन कपोलअ क्रोनय।

छखन च़ रछान सेदन तु सादनीय

बु मनि हय वन्दय परम पादन॥

यीरअ गोस भवसरस मैज

सूचि-2 गोमुत छुम मे क्रंज।

बोठ खार मे छम चअनि लादन

बु मनि हय वन्दय परम पादन॥

कोपुत्र अगर मअज बअ द्रासय

तोति मअज बुचे निश आसय।

कन थावथय चु मयानेन नादन

बु मनि हय वन्दय परम पादन॥

लछि बअदि चे रूप दअरिथ

विजि-2 बयि निश मोकल अविथ।

दुर्गा रूप ज़गि छख पालन

बु मनि हय वन्दय परम पादन॥

यितअ गछि मैज छुस बु प्योमुत

चे निश छेनअ छुस गोमुत।

वोलमुत छुनस मुह ज़ालन

बु मनि हय वन्दय परम पादन॥

चक्रीश्वर छु मअज चोन थान

शैला रूप छख तति प्रज़लान।

बोज़ान च़ तति ज़ार भक्त्येन

बु मनि हय वन्दय परम पादन॥

पोशि मौत चेय कित्य पोश चारान

मनि मैज छु चोन ध्यान दारान।

पूजान चे मअज हर सातन

बु मनि हय वन्दय परम पादन॥

दारतय चेय मअज नोन "अवतार"

चेय रोस कुस वाति मयानेन दादेन

बु मनि हय वन्दय परम पादन ।।

स्तुति-35

यस टोटख बनि तस ननि यअरी

छख चई दुर्गा कासतम मे लाचअरी ।

चानि अनुग्रह दूर गछयेम वोन्य मे खअरी

छख चई दुर्गा कासतम मे लाचअरी ।

नखि-डखि छख भक्तयेन पानअ रोज़ान

दाद फरियाद एहवाल तिहिन्दय बोजान ।

यचकाल गव मे प्रारान बोज ज़अरी

छख चई दुर्गा कासतम मे लाचअरी ।

चोन शैहजार ज़गतस छु फोलरावान

कम वअरान सोखअ-मोखअ शोलअ मारान ।

पायि बअड़ छख थज़रस रानि ब्रअरी

छख चई दुर्गा कासतम मे लाचअरी ।

छुनय काँह दोयिम यथ ज़गतस मैज़

रोटमुत छुय त्रिभुवन पानस मैज़ ।

छु चराचर ताबे चे वनहरी ।

छख चई दुर्गा कासतम मे लाचअरी ।

मोख चोनय छु पूरन नोन प्रकाश

डेकअ चोनय छु फोलवुन चेवअ प्रकाश ।

ज़च चानि अकि नखअ वसन पापअ बअरी

छख चई दुर्गा कासतम मे लाचअरी ।

छख च अष्टा दश भुजा मअज शारिका

दस्त-बस्त छि दिवता करान जअरी

छख चई दुर्गा कासतम मे लाचअरी।

राज्ञा रूप छखय मअज पयेठ नागस

नोन शेहजार नागअ बलअ बोनि बागस।

सोख तअ आनन्द भक्त्येन थवान जअरी

छख चई दुर्गा कासतम मे लाचअरी।

खवि बालस पेठ छख मअज ज्वाला

पाप शाफ कासान बेयि गूरअ पीड़ा।

अनुग्रह चोन ननि पअठि तति जअरी

छख चई दुर्गा कासतम मे लाचअरी।

मंगलदा छख मंगल जगि करवन्थ

धीरअ गअमत्येन अनुग्रह चोन ताखुन।

आमित्य शरण डेडि तल समिथ सअरी

छख चई दुर्गा कासतम मे लाचअरी।

पोशि बागस फुलिया छि पोशि मअलि

“पोशिमति” थाव सोमबरिथ पोशि डअलि।

शेरि लागी दितअ तस चु अनअवअरि

छख चई दुर्गा कासतम मे लाचअरी।

स्तुति-36

सुख तु सम्पदा दादेन दवा-मअज बअगीन वुनिकनेस।

दादेन दवा तु रूगन शफा-मअज भअगरान वुनिकनेस॥

क्याह छु गम यस नखि आसख-सपदनस मुशिकलन हल।

धीरअ गअमित्येन भवसागरस-मअज तारान वुनिकनेस॥

दादेन दवा रूगन शफा-मअज भअगरान वुनिकनेस।

पूर्व पश्चिम किन्थ दक्षिण, उत्तर किन्थ-मअज रछिवनय छि पानय॥

असवनि मोख, असवनि पुहस मअज करान, वुनिकनेस।

गुलि गंडिथ आमुत गदा-लायान डेडि तल सदा॥
 ज्ञानकि तअरस पननयेव अथव-मअज मुचरान वुनिकनयेस॥
 राजअकोलनीय मँज लक्ष्मी-शूबवनि बडि मानय॥
 दीनन निश दारव्रता-मअज कासान वुनिकनयेस॥
 सास बोजअ नरि योस, छि दारवनि-रछवनि योस, छि दासन॥
 क्षण-क्षण मअज कर्मन न्याय-मअज अंजरान वुनिकेनस॥
 यस करान छख पर्दअ पूशी-वुछि कति सुय सखती॥
 शरनागतन रौनि दामान-मअज त्रावान वुनिकनेस॥
 छख च आसवनि ज्ञानरूपी-मूक्षिदाता ईश्वरी॥
 त्रेशि हतिनीय यूगअ अमृत-मअज चावान वुनिकनयेस॥
 भय हरवनि छख च माता-पाप, मूचन चंडिका॥
 खौफ ज़दनीय खौफ ज़नमुक-मअज कासान वुनिकनेस॥
 शूलअ सत्येन खडगअ सत्येन-मअज रछिवनय भक्त्येन॥
 ज़ार सअनी पननेव कनव-मअज बोज़ान वुनिकनेस॥
 रंग-रंग मअज तंग आसय-अज हय बासयोम ढोख मे चोन॥
 पान पुशिरिथ च़ेय अर्पण-मअज गंजरान वुनिकनेस॥
 वारि-वारे सअरी यिवान-दोख तअ दअदि माजि बावान॥
 सर त्रावान तल पादन-मअज टोठान वुनिकनेस॥
 कर्मच वदल ज़नमच यि हान-विजि-विजि करान नीम ज़ान॥
 साकिया मोय फिर मे बानन-मअज चावान वुनिकनयेस॥
 कोमल पोश हयेथ छु आमुत-हुरि अठम दोह योर॥
 “पोशि मौत” तिम च़अरि-च़अरि-माजि लागान वुनिकनयेस॥

स्तुति-37

मे मय रोश मअजय चारअ करि मयोनुय॥
 बु गोसय अडमोर उपायि करि मयोनुय॥
 बु योदवय छुसय मअजि नाबकार संतान॥
 च छख ताति मअज मयआन उद्धारकरी मयोनुय॥

मे छम मअज थर-2 बु करअ क्या च़ेय रोस।

मे रोज़ सीत्य-2 मअज कसम छुय च़े मयोनुय॥

बु रोटमुत छुनस तल भवसरअ क्रमनीय।

च़ेय रोस कुस रखेयम वोन्य पोथुर छुस चोनुय॥

कर्म खोटि मे कअत्या बु गोस मअज पनअ-पनअ।

नज़र अख च़ कर्मस मे अथअ रोट चोनुय॥

गयेम खंद मे कअत्या यथ मैसूम पानस।

मे गाटस नफा कर बु छुस दास चोनुय॥

करान “पौशि मौत” छु स्येठा वील तय ज़ार।

हज़र लद तुलुन थोद तलबगार चोनुय॥

स्तुति-38

बनन लद बु कोता मे कर नज़रि सअनी।

च़ छख मअज म्यअनी बु संतान चोनुय॥

बु छुस मअज कौता नेशिबोद्ध तु नादान

करान छुस बु बदकार स्येठा छुस पशेमान।

क्षना कर मे पापन करूम नज़रि सअनी

च़ छख मअज म्यअनी बु संतान चोनुय॥

बु छुस मअज फोटमुत भवसर, सोदुरस

करान छुस बु छट-छट लोगुस मअज बु वावस।

कडुम आवलनि मँज मे कास जूनि ग्रूहनुय

च़ छख मअज म्यअनी बु संतान चोनुय॥

नअ ज़ानय बु अंग न्यास न ज़ानस बु संध्या

नअ ज़ानय क्रिया मअज नअ ज़ानय बु विद्या।

फकत मअज जानय बु चोन माजि तोनुय

च़ छख मअज म्यअनी बु संतान चोनुय॥

शरण आमत्तेन छख राखन मअज पुरन तल

करन छख च अनुग्रह गछान मुशिकिलन हल ।
 मे बोज़तम च ज़अरी मे छम आश चअनी
 च छख मअज म्यअनी बु संतान चोनुय ॥
 वअतिमित्य मे मअज छि बडि-2 कार
 बु छुस चन्दअ छयोन बेबस तु लाचार ।
 मे हरदम छु हाजथ अख अथु रोट चोनुय
 च छख मअज म्यअनी बु संतान चोनुय ॥
 गुदलून पनुन वोन्य वनय मअज कूता
 चे छुय मअज रोशन बनन म्योन करअ क्या ।
 बुन्ज़ा अख च मअज गछुम अथ सनअनी
 च छख मअज म्यअनी बु संतान चोनुय ॥
 कोपुत्र अगर नेरि मअज काँह ति संतान
 करान पर्दअ पूशी च छख तस ति बखशान ।
 मंगुन नय तगान छुम चेय बोजुन तगअनी
 च छख मअज म्यअनी बु संतान चोनुय ॥
 बु वोल्मुत छुनस मअज संसार ज़ालन
 मे फयुरमुत छुनस गंड कामन तु क्रूधन ।
 मे मोकलाव अमि मैज़ बु आस सवअली
 च छख मअज म्यअनी बु संतान चोनुय ॥
 गयम खंद मे कीत्या यथ मैसूम पानस
 लगुस मअज दकन तय बु लूकअ पामन ।
 करूम नोन मे अनुग्रह चलेम युथ मे हअनी
 च छख मअज म्यअनी बु संतान चोनुय ॥
 बिहित छख च थज़रस तुलअ मुलि नागस
 शेहजार नोन क्या छु चन्दन बागस ।
 अन-धन तअ ओरजुव च छख बअगरअनी
 च छख मअज म्यअनी बु संतान चोनुय ॥
 चे छुय पोशि मात मअज डडवथ हरदम

गंडिय गुलि चे सअरी शरण छुय चे हरदम।
 कर्मस नजरु करि अथअ रोट चोनुय
 च छख मअज म्यअनी बु संतान चोनुय॥
 ज़नमस बु आमुत यथ संसारस
 गुरु रूपअ अनुग्रह च कर “अवतारस”।
 रटिमत्य चरण चयअनि छुनयेथ पूज़अनी
 च छख मअज म्यअनी बु संतान चोनुय॥

स्तुति-39

ॐ श्रीमत् ही भवऽनी छयम म्य आशा चऽनी।
 क्षणसय मंज दुःख त संकट दूर करतय सऽनी॥
 छख च अरदाह भुज भवऽनी छख सहस प्यठ चय सवार।
 अन्ध अन्ध च्य देवता सऽरी छिय करान च्यय जारपार॥
 अष्टसिद्धि अऽधीन छय पाद चऽन्य न्यथ छलऽनी।
 सिरिय तय व्ययि चन्द्रम छुय प्रारान च्यय हुकमस॥
 कर मऽज्य भवऽज करि आज्ञा प्रकाश बनि जगतस।
 चानि प्रकाशि किन्य दु सन्तुष्ट त्रिभुवन रोजऽनी॥
 यलि इन्द्राज व्ययि दीव अन्य तंग महिषासुरनय।
 इन्द्राज आव च्यय शरणय पादन च्य प्योय परनय।
 पत पत तस देवता आयि फ़कहत्य त दोरऽनी॥
 भूजिथ तिहुन्द हाल अहवाल अद महिषासुर च्यय।
 वातनोवथन पाताल त्यलि जीर दिचथस खुर सऽत्य॥
 मोकलऽविथख भय निशि दीव करथक मेहरबानी।
 ॐ शब्द छख सर्वशक्तिमान महामाया च्यय वनान॥
 काम क्रोध लोभ व्ययि अन्धकार भख्यन छख च कासान।
 चऽनी भख्य शिवशक्तिरूप ध्यान चोय थारऽनी॥

बोजान छख विनती चय यति चोनुय छु दरबार।

चानि हुक्म सऽत्य सारि जगतुक छु चलान अद कारबार॥
अस्यति आमत्य अर्ज करने दोरान त लारऽनी।

मऽज्य वोजतम छय म्य हाजथ अख भक्ती चऽनिय॥
घरि घरि रोजतम च सन्मोख हृदयस मंज भवऽनी।
सरस्वती हुन्द प्रसाद युथ म्य बनि नेर्यम अमृत वऽणी॥

स्तुति-40

पादि कमलन तल ब आसय, करनि चऽनिय अस्तुती।
मोक्ष दिम बोड वर म्य दिम माज्य भर्ग-शाखा भगवती॥
गोम न्यत्रन खून जऽरी छुस च्यकुन जऽरी करान।
भास प्रत्यक्ष कास खऽरी अस्य छि पापव बलिमऽती॥
चानि आशायि योत ब आसय नावोमेद नेरय न जांह।
या म्य वर दिम मोक्ष दामुक नत छुसय प्रारान यतिय॥
लोल बागस पोश फोलिमत्य वेरि चाने चार्य चार्य।
शेरि लागय भाव कोसम शोलवनि कारे पती॥
क्याह वनव अस्य मन्दछेमऽत्य चन्द छयनि सौदा करान।
कर दया वज वुछ म तथ कुन शर्मि सऽत्य अस्य गलिमती॥
चऽन्य ग्वण व्यस्तारनुक ताकत अनि कुस कस बनिय।
छुय च्य जय जय श्याम सोन्दरी जाम शुभान छिय छतिय॥
ज्ञान दाता मोक्ष दाता छख जगथ माता च छख।
ही भवऽनी कर म्य वऽणी स्यद्ध मोखस दिम सरस्वती॥
पजि मन युस भख्य चऽनी करि निष्कल रात दिन।
क्या छु संशय तसन्दि बापथ मोक्ष दामकि बर वथिय॥
च्यऽन्य ग्वण छुस बो व्यचारान पन ओमकि खारान ब छुस।
अवसनऽकि कर दोन कुनुय कर तल छु आबुन कऽत्य कती॥

सर्वव्यापक छव चपऽरी अस्य छि चऽरी क्या वुछव।

वन च्य रोस्त कुस बोजि जऽरी हाव मोख प्यठ परबती॥
कर्महीनन धर्महीनन कर्त्तव्यन सान्यन म वुछ।

डाल स्योद अथ कर्म लान्यन प्रक्रमस चऽनिस खतिय॥
वीलजऽरी बोज दासस रोज सन्तुष्ट सर्वदा।
छुय च्य रोशन छुस ब तोषण चऽय म्य बखचुम थऽज गती॥

स्तुति-41

दासस दया म्य करतम, छवय निर्विकार दीवी।

चरणन तल म्य वरतम, करतम उदार दीवी॥

छवय सृष्टि-स्थिति कर्त्ता, भक्त्यन च पान भर्त्ता।

विश्वरूप ही अकर्त्ता, छवय उँकार दीवी॥

सन्तुष्ट न्यथ म्य आसुम, मंज ध्यानसय म्य भासुम।

च्यथ शयि चय विकासुम, दिमि सत्विचार दीवी॥

त्र्यन कारण च शक्ति, दिमि म्य पनज भक्ति।

बनिहे म्य यूग मुक्ती, चलयम अन्धकार दीवी॥

योगीश्वरन च भासान, प्रथ शायि चय विकासान।

यिम सोक्त दिल छि आसान, तिमहय छिय हुशार दीवी॥

चय छव बन्धु-भ्राता, चय छव पिता त माता।

चय छव गुरु त दाता, बोजतम म्य जार दीवी॥

दिमि स्मरण म्य अन्तर, भासतम अन्दर त न्यवर।

सन्तापकुय छु म्य जर ऐ च्यथ स्फार दीवी॥

हा दास ! गछ च अर्पण, शुद्ध कर मन दर्पण।
आनन्द बनिय विलक्षण, साक्षात्कार दीवी॥

स्तुति-42

मऽज्य शारिकाय कर दया वर दया ही भवानी।

कर दयायि हंज दृष्टि सोय छम वऽड मेहरबानी॥

अस्य हय ओमत्य अज च्य निश योर कर्म-खुर्य भावऽनी।

मतय वुछत कर्मस कुन अस्य छि सऽरिय पशेमऽनी॥

कोत तान्य रोजि युन त गछन कोत तान्य रोजि क्रेशुन वदुन।

तार दिवान सारिनय छख असि ति रोज तारऽनी॥

ओश वसान दारि-दारे मऽज्य भवऽज हावि दर्शुन।

केंहनय छम तगान बोजुन केंहनय छुस ब जानऽनी॥

नख छखय डखि छखय चय च्य सिवा कांहनय म्योनय।

दोह त रात चोनय फिरान अख सदा यि रूहानी॥

कुपुत्र छि माजि आसान, मऽज्य छ न जाँह ति रोशान।

अस्य मंगान चऽनिय दया जगतच राजि रऽनी॥

अष्टादशभुजा छख जगतस बऽगरऽनी।

अस्य हय आमत्य छि डेडि तल अनुग्रह छिय मंगऽनी॥

पाप-शाप कास्तम चय वालतम भाऽर्य पापऽक।

गीर कोरहस ब पापव केंहनय छुम न तगऽनी॥

दास आव चोन दरबार दारि ओश छुम वसऽनी।

कन थव बोज फरियाद नाद छुसय दिवऽनी॥

लोकचारस मशित गोम बुजरस छस स्वरान दय।

काँह गाफिला न म्य हयुव क्रजिलि पोज सारऽनी॥

भक्तिस दर्शुन हाव सन्मुख रोजि जगतस।

लोल चानि दोह तय राथ नाल छसय दिवऽनी॥

बूजमुत छ हलि मुशिकल वन्य तवय अस्य आयि योर।

अख रछ करत वज गौर हिमालच राजिरानी।

दास छुस दर इन्तिजार भवसागरस दिमि तार।

ल्यम्बि मज पम्पाश खार बोजतय च म्यज जऽरी॥

तिम ति गयि खोगर पाय क्याह सोन॥०॥

कथ बानस मन्ज क्याह सना छूय
 सथ बोज प्रथ जायि छुथ वातवोन॥०॥
 शिखरिस यलि छुस न अथ वातान
 गूर्य बालकन तलऽ छुय थावान
 जऽदय करान बानन कति डेशोन॥०॥
 अनिघटि मंज अस्य चीज थावान
 आश्चर छु तोतनस छुय वातान
 लाल त्र्यटि नऽल्य छिसना प्रजल्वोन॥०॥
 युथ न वोऽज लाल त्र्यटि नाल कडहस
 ज्ञानख तमिय गाशि लूख वुछिनस
 छय शरीर अमिसुन्द ति गाश आनवोन॥०॥
 नीलकण्ठ ! लीला आश्चर्यमय
 भगवान सँन्जय कँचाह छय
 आदि अन्त तमिसुन्द कांसि नो जोऽन॥०॥

स्तुति-44

कष्ट कास्तम भगवान हरे।
 सन्तुष्ट रोजतम गऽरि गरे॥
 भ्रमचे वुनले बुजरोवुस, मोह छटि अनिगटि वति रोवुस।
 च्यय रोस्त कुस म्य अथ रोट करे॥०॥
 भवसर क्रिमनय रटिनम खोऽर।
 कमजोर लऽगिथ गोस कमजोर।
 छाम्बरि लोगमुत छुस छाम्बरे॥०॥
 वेरि बो लागय शेरि पम्पोश
 गद् गद् वाऽणीय थावतम गोश
 वद्य वद्य यच छम म्यच मा हरे॥०॥

वैकुण्ठ प्यठ यित ननॅवोरुय
गरुडस खसिथ त्रऽविथ सर्वोरिय।

म्वकलावतम संकटचे थरे॥०॥

संकट मंज तस प्रह्लादस
कन थाव तस अऽर्चर नादस।

हिरण्यकष्यप अद मद उत्तरे॥०॥

हंग आख द्रौपदी नंग रछथस
नंग वुछुन तस सामरथ कस।

रंग रंग आव बरनॅ जाम तस हरे॥०॥

लक्ष्मण छारुन परमानन्द

चराचर युस पोशि अन्द - वन्द।

लोलो करान नेरि ओऽन लोलरे

कष्ट कास्तम भगवान हरे।



सत्यम्

शिवम्

सुन्दरम्

मिलने का पता :

1. विजयेश्वर धार्मिक पुस्तक भण्डार

तालाब तिलो, जम्मू

फोन : 555763

2. जे. के. बुक शॉप

तालाब तिलो, जम्मू

फोन : 554522